

九廣鐵路車務先行下議(谷)

膠濟鐵路避讓聖陵

山東

○膠濟開展支路現某國要索經營頗為緊急我政府雖向未允准而某西人已有在兗沂一帶插標者某西人行抵曲阜縣時因孔聖陵寢所在特督調衛聖公孔燕廷公爵請示方向燕廷上公當告以陵寢重地務須繞陵二十里外方可安設軌道西人亦即慨允將前插之標拔移二十餘里莊外安插(往)

政務處擬添督催大臣

北京

○聞內廷消息日前兩官 召見軍機大臣諭及政務處近來交議事件未能安速此禮延時日殊與奏章不符倘有重要之事恐致緩不濟急設法振頓力求治理等語日昨慶邸議及各大臣均屬兼差且各署公事甚忙難免司員等任意延宕議即會商請派大臣二員專司督催交議摺奏如有遲延逾限不及先期奏明者惟該大臣暨承辦司員是問云云(火)

長將軍保舉洋務人員赴伊犁

北京

○伊犁地方現有俄人覬覦交涉頗形棘手長留守於二十六日奏調黃秀伯觀察及陸觀察隨往襄辦洋務聞黃秀伯久任美國領事陸觀察亦在俄國充參贊官十有餘年可謂洋務得人矣(聞)

諭催趕修法律並飭速擬法律學堂章程

北京

○刑部葛大司寇擬將正陽門內法律館改為法律學堂早有是說邇來沈家本侍郎逐日親到該館督催速將各項法律修竣以便改為法律學堂面諭司員妥訂章程務求盡善並擬購買左近民房圍進館內飭廠酌量修建俾得早日開辦(電)

課吏館添設法政科

江西

○胡撫近欲設一法政速成科司道以下皆宜往學一年卒業其學堂即擬附設於課吏館云(成)

贛省儲材館開放不成

江西

○賴撫胡中丞咨准練兵處將練將學堂改為儲材館已誌前報中丞旋定期八月初十日將同通州縣佐雜等員之願入儲材館者甄別一次攷法擬定頭場寬取數名二場查驗年歲身體文字是否合格再定去留入選者月給津貼十兩不能充當別差不料是日同通州縣報名者十人到者僅五人佐雜報名者四十餘人到者祇五六人不能成考聞中丞大為震怒云(可)

稟入理財專科

長沙

○湖南留日學生李仲衡現入銀行理財專科稟請湘州給予官費旋奉批示云查各國以商戰爭雄莫不有總匯財政之區以為樞紐該生等苦心志學專習銀行一科稟懇給予官費深堪嘉許惟湘省官款困難是否有可籌撥之處希學務處核議酌遵(成)

議修建講求翰林實學所

北京

○日前翰林院各堂憲會商所有本院設立學會以備講求實學及請協籌經費業

經奏明奉 旨允准惟查署中房舍較少若各司員紛紛赴學實屬不敷擬俟各省認解學會經費匯京先提三四成於署內跨院添建房屋作為講求實學所俾各員等公餘之暇靜心研究並飭迅速辦文咨催各省急將認籌經費解到勿得稽延云(師)

常鎮道創辦師範學堂

鎮江

○常鎮道郭月樓觀察現擬仿照蘇蘇兩處師範學堂章程在鎮江開辦學堂一所藉以造成教員之資格而立興辦蒙小學堂之基已與府縣及各紳董商集款項以便早日開辦云(此)

留學生亦有敗類

漢口

○去夏六月有漢陽縣某甲東裝東渡假入同文書院後院側有小館每與館中下婢狎飲酒猜拳午夜不歸同學恐其為警察干涉乃報告同鄉逐令回國歸後某日經過某巷短裝斷髮羣兒以洋人呼之彼即抽刀相向經清道局勇扭至夏口廳監禁種種行為實堪痛恨本非學界中人而藉留學生三字炫人耳目影響所及誠恐於留學界中大有妨礙(成)

擬咨駁止奏請各省協籌經費 北京 ○軍機大臣日昨會議略謂現在各衙門均以整頓署務寬籌經費奏請各省協濟查各省近年庫款奇絀今復出此支節督撫無法可籌必欲攤派所屬官員而州縣等官必至欠解公款或剝削民脂商民困累胡所底止自不得不議杜漸防微之法除已奉 旨允准各衙門奏籌經費毋庸咨照外擬即片交未經呈遞各衙門飭知嗣後如有奏籌經費者務須妥議辦法不准指請各省籌濟以維政體而恤民艱云云(火)

准用龍銀銅圓完糧

安徽

○皖省各屬徵收錢糧相沿祇用本洋與制錢兩項鄉民受累糧書弄巧弊不勝言日前藩憲接奉撫憲札開准署江督周來函謂近查皖省錢糧有弊四端函請酌辦最要者為征收限用本洋民間受累積弊甚深飭即查禁云云當經方伯議復詳陳皖民使用均重本洋皖北尤甚其用龍洋者并不其實費今若飭各州縣禁用反形不便不如仍令各屬於本洋英洋龍洋及銅圓均一律收納隨俗所宜藉除積弊等語外復出曉諭居民凡各項銀洋銅圓制錢均准任便完納云(時)

南斐礦主虐待華工

香港

○有友人自南洋來者述近日南斐各礦虐待華工慘無人理工資飯食並不照原合同辦理每日渴令鑿石三十六寸不足則責以皮鞭并扣工資甚全有用極大之枷套華工之頸仍令作工者以致死者絡繹不絕領事劉某悉置不問哀吾同胞真無告矣(陽)

周口道設立商會已奉商部核准

河南

河南商務議員胡觀察翔林近以周口道口兩鎮鐵路通商務日漸興旺擬於該鎮設立商會藉資聯絡保護稟請商部立案現已奉部照准矣(號)

大有榨油公司已准注册立案

北京

○上海